

21. *Platyscytus* nov. gen

Corpus parvum, ovale, superne deplanatum, sat nitidum, laeve et glabrum, pronoto disco postico versus apicem levissime declivi; capite basi pronoti angustiore, a supero viso pronoto duplo brevior et longitudine sua fere triplo latiore, vertice sat lato, aequali, antice inter oculos haud prominulo et margine levissime arcuato; capite ab antico viso fortiter transverso, a latere viso sat fortiter retrorsum vergente, inferne quam superne brevior ibique altitudine basali multo brevior, clypeo parum prominulo, genis (♀) oculo aequae altis, gula haud distinguenda; oculis apici pronoti subcontiguus, parvulis, a supero visis margine interiore retrorsum valde divergentibus, a latere visis reniformibus, in genas parum extensis, ab antico visis orbita interiore subparallelis; rostro gracili, coxas posticas attingente; antennis gracilibus, paullo supra apicem oculorum interne insertis, articulo primo apicem clypei haud attingente, secundo versus apicem sensim levissime incrassato, ultimis simul sumtis secundo paululum longioribus; pronoto sub-plano, fortiter transverso, subsemilunari, margine basali late sinuato, strictura apicali destituto, lateribus margine acutis, postice latiuscule sublimbatus, callis sat elevatis, transversis, medio margine confluentibus, antice medio impressione, postice totis impressione transversa terminatis; scutello pronoto paullo longiore, basi detecta; hemielytris basi pronoti nonnihil latioribus, lateribus levissime rotundatis, venis nullis elevatis, sutura clavi scutello parum longiore, embolio a corio parum discreto, margine exteriori tenuiter incrassato, cuneo subhorizontali, latitudine basali distincte longiore, fractura ejus anguloque basali membranae in linea eadem transversali positae, membrana biareolata; pedibus mediocribus, innotatis, femoribus posticis leviter incrassatis, tibiis tenuiter spinulosis, unguiculis minutis.

Genus pronoto semilunari insigne, verisimiliter hujus divisionis. Areolam alarum unguiculosque haud examinare potui.